

TARIKH	14 / 9 / 2016	SEKSYEN	PENGALAMAN TUNAJ HAJI
MUKA SURAT	42	RUANGAN	

Guru temui wanita tua bongkok

Nampak wanita itu berpakaian serba hitam ketika tawaf sebelum hilang dalam sekelip mata

SABAIBERNAM – Pengalaman menemui seorang tua bongkok yang memakai pakaian serba hitam ketika mengelilingi Kaabah antara peristiwa yang tidak dapat dilupakan seorang guru, Nur Sabrina Chua Abdullah, 48, ketika mengerjakan ibadah haji pada 2008.

Menurut Nur Sabrina, kejadian itu berlaku dalam sekelip mata apabila wanita tua yang berjalan perlahan itu tiba-tiba hilang dari pandangannya sebaik dia melakukan beberapa kali tawaf di depan Baitullah.

"Saya nampak sekelilingnya (orang tua) kosong dan dia berpakaian jubah selesa berjalan seorang diri. Nak tegur masa tu rasa takut, sebab petugas Tabung Haji pesan, kalau nampak benda-benda pelik jangan tegur," katanya kepada

Sinar Harian.

Nur Sabrina memberitahu, pengalamannya itu kemudiannya diceritakan kepada petugas Tabung Haji dan mereka memaklumkan hanya ALLAH lebih mengetahui setiap kejadian yang dikehendaki-Nya.

Dia yang mengerjakan fardu haji bersama suaminya, Mohamed Rizal Muhd Tayab, 47, dan arwah ibu mertuanya, Sariah Adnan teruja apabila pertama kali menjejak kaki ke tanah suci Makkah.

Nur Sabrina yang dilantik Majlis Agama Islam (Mais) sebagai Panel Dakwah Muallaf Daerah Sabak Bernam sejak 2012 mengakui, sebaik menunaikan rukun Islam kelima itu, dia tidak pernah terlepas mengerjakan ibadah umrah setiap tahun kecuali pada 2010.

"Salah satu permintaan kami di depan Kaabah ialah berdoa kepada ALLAH supaya kami dapat kembali di sini semula. Saya syukur sebab dapat tunaikan umrah enam kali selepas pulang dari haji," katanya.

Dia yang memeluk Islam pada 12 Disember 1992 mengakui terdapat empat pengalaman ditempuhinya pada tarikh 12 Disember walaupun tahunnya berlainan.

"Pada 12 Disember (1992) saya masuk Islam. Tarikh 12 September 1999 anak keempat saya disahkan meninggal dunia di dalam kandungan, manakala pada 12 Disember 2008 saya dipilih sebagai tetamu ALLAH dan pada 12 Disember 2010 juga suami saya dikurniakan pingat Bintang Perkhidmatan Cemerlang (BPC)," katanya.



Nur Sabrina bersama suami dan ibu mertuanya di Padang Arafah sementara menunggu bergerak ke Muzdalifah dan seterusnya ke Mina.